

## Remarcabladads

Remarcabladads dat ei adina puspei sin nies mund – en nies mintgadi. Ina da quellas remarcabladads ein las preparaziuns ch'ins sto far cheu ni leu – mintgaton gia ditg avon in termin.

Lu ston ins duront las preparaziuns viver el patratg per il mument, nua ch'ins drova „la caussa“.

Mintg' onn vegn quei patratg tier mei, cura ch'ils affons entscheivan cun la preparaziun per il schi numnau «Giug da Nadal» per la fiasta da Nadal.

In problem sa esser, ch'ils affons ed ils scolastsAs san buca guder endretg il temps d'Advent sco preparaziun meditativa per la fiasta dalla naschientscha dil Salvader. Ins viva gia ferm el temps da Nadal. Da l'otra vart entscheivan quellas preparaziuns gia avon il temps d'Advent, e quei sa era esser ina buna schanza da sepreparar sin la vegnida dil Segner. Segir ei quei engaschi fetg custeivels era per quels che san profiter da quellas preparaziuns per la fiasta da Nadal. La finala dat ei gronda legria e plascher tier tuts.

Ussa stos jeu era scriver quellas lingias bunamein in meins avon ch'il fegl parochial vegn tier vus. Lu stat la damonda a mi, tgei ch'jeu duess scriver. Bugen scrivess jeu enzatgei dil cuors che jeu frequentel. Mo jeu sai aunc buca, tgei che tal vegn a porscher a mi.

In auter patratg ei, da scriver sur dil s'endisar vid la nova casa pervenda. Mo co sai jeu scriver quei, demai ch'jeu hai strusch entschiet da sevider en; e lu spetga gia il cuors sin mei?

Dapi duas jamnas vivel jeu ella casa nova, mo tgi che ha inagada midau casa sa, tgei che quei munta. Drizzar en stanzas, ils biros, plazzar tut el dretg liug, lu puspei midar in tec, gie, quei drova temps. Denteren vegnan era luvrers per far las davosas lavurs, era sch'ei setracta da caussas pli pintgas, ei dat tuttina empau puorla.

La finfinala porscha ina casa nova denton grond plascher!

## Tgei spért regia en Tia casa?

En mintga pleiv e vischnaunca dat ei divers baghetgs. La baselgia ei savens fetg dominonta. Dasperas crodan la casa da scola, la casa communal, il baghetg d'in hotel ni ustria, d'ina fatschenta, il pli emprem en egl; gie, mintga casa ha siu character, siu senn e siu spért.

Mintga casa, gronda ni pintga, mintg'ina ei cheu per dar suttetg. Ina casa, nossas casas, han era la funcziun per sentupadas. Nus mein sez sin viseta, ni nus retschevein visetas. Igl uest Norbert Brunner ha scret inagada: «Hosps fan adina plascher, sche buca cu els vegnian, lu segir cu els van».

Na, ina vera sentupada cun hosps duei adina esser aschia, sco Roland Breitenbach ha scret en sia poesia. Quella poesia seigi miu giavisch per la nova casa pervenda da Laax, mo era per tut las casas da nossas pleivs e vischnaucas.

„Möge aus jeder Begegnung etwas bleiben:  
ein bisschen Empfindsamkeit für deine Haut;  
ein bisschen Wärme für dein Herz;  
ein bisschen Ordnung für deine Gedanken;  
ein bisschen Trost für dein Gestern;  
ein bisschen Heilung für deine Gedanken;  
ein bisschen Zuversicht für dein Morgen“.

*Roland Breitenbach*

## Fiasta da Perdanonza

La sura numnada poesia infiltreschi era nossa fiasta da Perdanonza (Falera: ils 11 da settember, Laax: ils 16 d'october). Il Spért da Cristus seigi da casa tier tut nossas famiglias e nossas sentupadas. Quei giavischel a Vus tuts da cor.

Vies sur Peter

## Informaziuns per Laax

### Communiun dils malsauns:

Mesjamna, ils 14-09-2011 suentermiezdi

### Devoziun dallas mummas e lur affons

Cordial invit alla devoziun da mesjamna, ils 14 da settember 2011 allas 16.30h en baselgia. Nus engraziein zun fetg a Maria Camenisch e Riccarda Congo-Camenisch che cuntinueschan cun quella devoziun. Cun il tema "raccolta" selegran ellas da sentupar cun biaras mummas e lur affons.

### Gratulaziun per nozzas

Ils 03 da settember 2011 festiveschan *Seraina Grond e Philipp Gschwend* lur nozzas. Nus gratulein cordialmein als nozzadurs e giavischein bien cletg, la benedicziun dil Tutpussent, bia ventira ella veta matrimoniala ed ina fiasta sulegliva.

### Fiasta dil s. Batten

Dumengia, ils 04 da settember 2011 allas 11.30h retscheiva *Jarno*, fegl da Christoph e Stéfanie Kälin il sogn sacrament dil Batten. Nus giavischein a Jarno bia sustegn e ventira ella cuminonza cristiana.

**Sentupada dils geniturs e lur baptizands ils 25 da settember 2011 allas 15.30h ella Sentupada**, tenor invit personal. (A Falera ha quella sentupada liug ils 6 da november 2011).

### Rogaziun federala

La dumengia da Rogaziun lein engraziar en special per tut ils beins che Dieus regala a nus di per di en nossa patria.

#### 10.45h

11.45h – 12.30h

12.30h – 13.30h

13.30h – 14.30h

14.30h – 15.30h

15.30h – 16.30h

16.30h

#### Messa festiva

Spendas, Geinas, Tului-su, Cons

Crest, Tului-sut, Val

Via principala, Larisch, via Selva

Davos Baselgia, via Streia, via Falera

Fau, Grava, Fandreis, Murschetg

**Viaspras e reposiziun**

## Informaziuns per Falera

### Communiun dils malsauns:

Venderdis, ils 09-09-2011 suentermiezdi

Gievgia, ils 22-09-2011 suentermiezdi

### Devoziun dallas mummas e lur affons

Tuttas mummas e lur affons ein cordialmein envidadas alla devoziun da mardis, ils 06 da settember 2011 allas 16.00 uras.

### Fiasta dil s. Batten

Sonda, ils 3 da settember 2011, allas 11.30h retscheiva *Lino*, fegl da Mario e Sabina Arpagaus-Cathomen il s. sacrament dil Batten.

Dumengia, ils 18 da settember 2011, allas 11.30h retscheiva *Mauro*, fegl da Urs e Linda Casutt-Tuor il s. sacrament dil Batten.

Nus beneventein cordialmein *Lino e Mauro* ella cuminonza da nossa baselgia. La benedicziun da Diu ed il sustegn dils concartents accumpogni els tras la veta.

### Nozzas d'aur

Ils 19 d'uost 1961 han *Leo e Christa Cathomen-Keiser* astgau festivar lur nozzas. Unn gratulein nus cordialmein als giubilars per lur nozzas d'aur e giavischein bia ventira, igl accumpignament dil Tutpussent e bia plaschers el ravugl dalla famiglia.

### Gratulaziun per nozzas

Sonda, ils 10 da settember 2011 festiveschan *Nicole Solèr e Adrian Vincenz* lur nozzas a Surcasti. Cordiala gratulaziun, la benedicziun dil Tutpussent, bia cletg e ventira accumpogni vus tras la veta matrimoniala.

Medemamein gratulein e giavischein nus bia cletg e ventira als nozzadurs che maridan en nossa baselgia da s. Rumetg:

ils 03 da settember 2011 a *Sabine Weber e Patrik Stalder*,

ils 10 da settember 2011 a *Monika Siegenthaler e Marco Torresan*.

### Ina ura d'aduraziun per la dumengia da Rogaziun federala

Communablamein lein nus rugar ed engraziar a nies Diu per tut ils beins ch'el regala a nus: 17.30h rusari, 18.00h devoziun dalla Rogaziun che finescha cun la benedicziun dil Sontgissim.